

# Халқ сўзи

Ўзбекистон —  
келажаги  
буюк  
давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2022 йил 24 февраль, № 41 (8103)

Пайшанба

Сайтимизга ўтиш учун QR-кодни телефонингиз орқали сканер қилинг.



## ҚОРАҚАЛПОҒИСТОН ТАРАҚҚИЁТИДА ЯНГИ САҲИФА ОЧИЛМОҚДА



**Президент Шавкат Мирзиёев 23 февраль куни ҳудудлардаги бунёдкорлик ишлари, йирик лойиҳалар ва аҳоли ҳаёти билан танишиш мақсадида Қорақалпоғистонга ташриф буюрди.**

Бу гал янгиликлар, ўзига хос жиҳатлар кўп. Хусусан, биринчи рақамли борт илк бор Тошкентдан Мўйноққа келди.

Маълумки, Мўйноқ мамлакатимизнинг олис ҳудудларидан бири. Энг яқин шаҳар — Қўнғиротгача 100, Қорақалпоғистон маркази — Нукусгача 200 километр масофа бор. Бу коммуникацияда қийинчилик туғдириши табиий. Шу боис мўйноқликларнинг ҳаёти, шароитларига давлатимиз раҳбарининг эътибори бошқача. Бу ҳудудни ривожлантириш бўйича иккита қарор қабул қилиниб, манзилли дастурлар амалга оширилган. Президентимизнинг ўзи ҳам Мўйноққа икки марта — 2018 ва 2019 йилларда ташриф буюрган. Ушунда бу ерда транспорт коммуникацияларини яхшилаш бўйича кўрсатма берилган эди. Шунга мувофиқ, автомобиль йўллари таъмирланди. Мўйноқ аэропорти янгиланиб, ишга туширилди.

Бу “ҳаво порти” 1947 йилда қурилган бўлиб, илгари кичик самолётларни қабул қилган. Кейинчалик умуман ишламай ҳам қолган эди. Бугун ҳаётга қайтган бу аэропортнинг лок бора Ўзбекистон Президентининг самолёти келиб қўнди.

Давлатимиз раҳбари бу ердаги бунёдкорлик ишлари билан танишди. Аэропортда 50 нафар йўловчига мўлжалланган янги терминал қурилган, униш-қўниш йўллари ва майдончалар таъмирланган.

Мажмуа атрофи кўкаламзорлаштирилган. Президент шу ерда мўйноқлик ёшуллилар, маҳалла раислари, ҳоким ёрдамчилари ва ёшлар билан учрашди.

— Охириги беш йилда кўп нарсани ўргандик, илгари ишонилмаган нарсаларга ишондик. Мен биринчи келганимда “маданият Мўйноқдан бошланади” дегандим. Шундай бўляпти. Мана шу аэропорт ҳам бир мисол. Энди Тошкент — Мўйноқ — Нукус авиақатнови йўлга қўйилади, — деди Шавкат Мирзиёев.

Ташрифдаги яна бир янгилик — Оролбўйини биргаликда ривожлантириш мақсадида Қорақалпоғистон Республикаси туманлари муайян вилоятларга бириктирилган. Президент бунинг сабаби ва аҳамиятини тушунтириб берди.

— Оролбўйида аҳоли ёмон деб кўпчилик гапирарди. Лекин ҳамма ҳам бу ерга келиб кўрмаган. Оролнинг ҳавосидан нафас олиш, шароитни кўриб, адолатли баҳо бериши учун бу ерга бутун республикадан раҳбарларни юбордим. Қорақалпоғистон ривожига катта маблағ йўналтирармиз, — деди Президент.

Давлатимиз раҳбари Мўйноқдаги долзарб масалалар, келгуси ишлар бўйича аҳоли фикрини сўради.

— Бу ерда қийинчиликларда тобланган, меҳнатқаш одамлар яшайди. Фақат уларга ишлаш учун шароит яратиб беришимиз керак. Лекин қандай корхона курашимиз? Нима ишлаб чиқарамиз? Унинг бозори нима бўлади? Самолёт келгани бежиз эмас. Энди маҳсулотларни ташиш осонлашади. Шунинг учун сизлардан илтимосим: аччиқ, асосли, манфаатли гапларни айтинглар. Биргаликда яқин икки йилга аниқ режаларни белгилаб олишимиз керак, — деди Шавкат Мирзиёев.

Жамоатчилик вакиллари ҳудуддаги муҳим масалалар бўйича ўз тақлифларини билдирди. Президентимиз уларни қўллаб-қувватлаб, мутасаддиларга топшириқлар берди. Қишлоқ ҳўжалиги тармоқлари билан бирга хизмат турларини кенгайтириш, хусусан, кўнгилочар ўйинлар учун солиқ имтиёзлари бериш зарурлигини таъкидлади. Бу ички туризм ривожига, иш ўринлари очилишига хизмат қилади.

Мўйноқ туманига Тошкент вилояти би-

риктирилган. Учрашувда ушбу вилоят тadbиркорлари томонидан Мўйноқ туманида амалга ошириладиган ишлар ҳақида аҳоли вакиллари олдида тақдимот ўтказилди. Қайд этилганидек, бу ерда истироҳат боғи қурилади, кўшимча қувур тортиб келинади. Кексалар санаторийга, болалар оромгоҳларга юборилади. Давлатимиз раҳбари аҳоли саломатлиги масаласига алоҳида эътибор қаратиб, бу ерга келиб ишлайдиган шифокорларга ойлик устамалар бериш, уй билан таъминлаш муҳимлигини таъкидлади.

Шундан сўнг Президент Шавкат Мирзиёев Орол денгизининг қуриган боғлиқ бориб, вазиятни кўрди.

Қорақалпоғистон халқи ҳаёти, умуман, катта минтақадаги экология шу муаммага боғлиқ. Бир пайтлар денгиз ва унга туташ дарёлар, яйловлар одамларга ришқ улашган, иш, даромад манбаи бўлган. Лекин табиат қонунларига аралашиб, Амударё ва Сирдарё сувини тўсиш дунёдаги оғир экологик ҳалокатлардан бирини юзага келтирди. Минтақамизда чўлғаниш ва шўрланиш даражаси кескин ортди. Ўсимлик ва ёввойи ҳайвонлар тури камайиб кетди.

Глобал исиш муаммоси кучайиб, ёнғин-гарчилик камайётган бугунги асримизда Орол денгизини қутқариш ва тобора имконсиз бўлиб бормоқда. Бундай шароит-

да ягона йўл — борини асраб қолиш, фожиа таъсирини камайтириш, одамлар ҳаётини осонлаштириш.

Давлатимиз раҳбари бу бўйича Бирлашган Миллатлар Ташкилотининг Бош Ассамблеяси сессияларида гапирди, халқаро саммитларда муҳим тақлифларни илгари сурди. Шу билан бирга, ўз имкониятларимизга таяниб, амалий ишлар ҳам олиб борилмоқда.

Хусусан, Орол денгизининг қуриган тубидан миллионлаб тонна чанг ва захарли тузлар кўтарилиб, катта ҳудудга тарқалар эди. Шавкат Мирзиёев 2018 йили Мўйноққа ташрифи чоғида олимлар билан маслаҳатлашиб, у ерда шўрга чидамли ўсимликлар экиш вазифасини белгилаган эди.

Давлатимиз раҳбарига шу борада қилинган ишлар ҳақида ахборот берилди.

Ўтган йилларда денгизнинг суви қуриган қисмида 1 миллион 524 минг гектар тўқайзор барпо этилган. Бунинг учун саксонув, қорабўроқ, қандим, черкез каби чўл ўсимликларидан қарийб 6 минг тонна уруғ тайёрланиб, қийин шароитларда экилган. Бу ишларда 4 мингдан зиёд ишчилар қатнашиб, 1 минг 600 тонна техника, самолётлар жалб этилган.

Бу хайрли, долзарб ҳаракат давом эттирилмоқда. Жорий йилда 100 минг гектар майдонда “яшил қоплама” барпо қилиш режалаштирилган. Бугунги кунда шундан 26 минг гектаридан иш бошланган, 562 тонна уруғ тайёрланган. Шунингдек, 100 гектар майдонда кўчатхона ташкил қилинмоқда.

Президентимиз бу ерда экологлар ва ўрмон ҳўжалиги мутахассислари билан суҳбатлашди.

— Биз шу мураккаб шароитда экиш бўйича катта тажриба ортирдик. Бу ерга ўзим келишимдан мақсад — энди бу ишларни илмий асосланган тарзда давом эттирамиз, — деди Шавкат Мирзиёев.

Илмий изланишлар қилиб, ҳудуд типологияга мос навлар яратиш, кейинги босқичда чорвачиликни ривожлантириш бўйича кўрсатмалар берди.

Оролбўйининг флора ва фаунасини яхшилаш бўйича 5 йиллик миллий дастур ишлаб чиқиш вазифаси қўйилди.

Президент Шавкат Мирзиёев Тахтақўпри туманидаги “Белтов” овул фуқаролар йиғинига ҳам бўлди.

Бу ерда мингдан ортиқ аҳоли яшайди. Туман марказидан 40 километр узоқда жойлашган ҳудуднинг илгари шароити оғир эди. “Обод қишлоқ” дастури асосида қурилиш, таъмирлаш ишлари амалга оширилган, овул қўйғаси ўзгарди.

Фуқаролар йиғини идораси, маданият маркази, шифокорлик пункти, мактабгача таълим муассасаси капитал таъмирланди. Ҳаммом қурилди. Янги қувурлар тортилиб, ичимлик суви таъминоти яхшиланди. Қўчаларга қум-шағал аралашмаси ва қора қоплама ётқизилди. “Оржап” каналда пидеадан кўприги қурилди, йўлақар, ариқлар тартибга келтирилди. 5 километр электр тармоқлари янгиланиб, трансформатор ўрнатилди.

Шавкат Мирзиёев овулдаги бунёдкорлик ишларини кўздан кечирди. Аҳоли билан мулоқот қилди.

— Охириги йилларда Қорақалпоғистонга алоҳида эътибор бериб, катта куч ва ресурсларни жалб этганимиз ўз натижасини беряпти. Одамлар йўлимиз

тўғрилигига ишонди. Энди янги марралар қўганимиз. Қорақалпоғистонга ҳамма раҳбарларни олиб келдик. Бунақаси тарихда бўлмаган. Улар маблағи, жамоаси билан келиб, аниқ лойиҳалар ишлаб чиқяпти. Тахтақўпрининг ҳам аввалги мавқеини тиклашимиз зарур, — деди Президент.

Давлатимиз раҳбари аёллар турмушини яхшилаш масаласига алоҳида тўхтади.

— Юртимизда аёллар кўз ёши тўкмайдиган жамият қуришимиз керак, — деди Шавкат Мирзиёев.

Шу ерда ҳоким ёрдамчилари ва ёшлар етакчилари билан ҳам мулоқот бўлди. Улар маҳаллалардаги муаммоларни ҳал этиш, бандликни таъминлаш борасидаги тақлифларини билдирди.

Президентимиз шу ерда журналистлар билан ҳам суҳбатлашди. Шавкат Мирзиёев Шуманай туманидаги “Шуманай экотекс” корхонаси фаолияти билан танишди.

2020 йилда ишга туширилган ушбу корхона 7 минг тоннадан зиёд калава ип тайёрлаш қувватига эга. Ўтган йили 51 миллиард сўмлик маҳсулот ишлаб чиқарилиб, қарийб 5 миллион долларлик экспорт қилинган.

Шу пайтгача ҳудуддаги энг катта муаммо илмий эди. Мазкур корхона аҳоли, айниқса, хотин-қизларни доимий иш билан таъминлашда муҳим роль ўйнади. Бу ерда 500 та иш ўрни ташкил этилган.

Давлатимиз раҳбари ишлаб чиқариш жараёни ва маҳсулотларни кўздан кечирди, ишчилар билан суҳбатлашди. Мутасаддиларга корхонада пахтани қайта ишлашнинг кейинги босқичларини ўзлаштириш бўйича кўрсатма берилди.

— Бу маъқул. Лекин туманда ишсизлар бўлмаслиги учун бундай корхоналар уч-тўртта бўлиши керак. Санотнинг бошқа йўналишларида ҳам лойиҳалар топши зарур, — деди Шавкат Мирзиёев.

Шу ерда тумандаги “Баҳром Илғор Кластер” масъулияти чекланган жамияти ҳақида маълумот берилди. Кластернинг 743 гектар ери лазер орқали текисланган. Шундан 100 гектаридан ёмғирлатиб сугориш технологияси жорий этилган.

— Аҳолига даромад манбаи яратиш, ялли ишлаб чиқаришни кўпайтиришга ҳаракат қилишимиз. Бунинг учун нима керак? Аввало, сув керак. Қорақалпоғистонда сув ва ер ҳисоби долзарб. Агар саранжом қилиб, иктисод қилиб фойдаланилса, сув етади. Бунинг учун қишлоқ ҳўжалиги маданиятини ошириш, инновацион технологияларни жорий этиш керак, — деди Президент.

Шуманай туманига бириктирилган Хоразм вилояти тadbиркорларининг инвестиция лойиҳалари тақдими ҳам ўтказилди.

Ўзбекистон Республикаси Президенти Шавкат Мирзиёевнинг Қорақалпоғистон Республикасига ташрифи давом этмоқда.

**Зиёдулла ЖОНИБЕКОВ,**  
**Абдулазиз МУСАЕВ,**  
**Довуд АБИВУЛЛАЕВ,**  
**Ўза мухбирлари.**

Ўзбекистон Республикаси Президенти Матбуот хизмати сурати.

## Ўзбекистон Республикаси Президентининг ҚАРОРИ

### ЎЗБЕКИСТОН РЕСПУБЛИКАСИ ФУҚАРОЛАРИНИНГ МУДДАТЛИ ҲАРБИЙ ХИЗМАТГА НАВБАТДАГИ ЧАҚИРУВИ ҲАМДА БЕЛГИЛАНГАН ХИЗМАТ МУДДАТИНИ ЎТАБ БЎЛГАН МУДДАТЛИ ҲАРБИЙ ХИЗМАТЧИЛАРНИ ҚУРОЛЛИ КУЧЛАР РЕЗЕРВИГА БЎШАТИШ ТЎҒРИСИДА

“Умумий ҳарбий мажбурият ва ҳарбий хизмат тўғрисида”-ги Ўзбекистон Республикаси Қонунига мувофиқ;

1. Чақирилиш муддатини кечиктириш ва чақирилишдан озод этилиш ҳуқуқига эга бўлмаган Ўзбекистон Республикасининг чақирув ёшидаги фуқаролари 2022 йилнинг март-апрель ойларида муддатли ҳарбий хизматга чақирилсин.

чақирилишдан озод этилиш ҳуқуқига эга бўлмаган, бироқ ушбу чақирув даврида Қуролли Кучлар сафига чақирилмайдиган фуқаролар сафарбарлик чақируви резерви хизматига олинсин.

2. Муदдатли ҳарбий хизматнинг белгиланган муддатини ўтаб бўлган ҳарбий хизматчилар 2022 йилнинг март-апрель

ойларида Ўзбекистон Республикаси Қуролли Кучлари резервиге бўшатилинсин.

3. Мазкур қарорнинг ижросини назорат қилиш Ўзбекистон Республикасининг Бош вазирини А.Н.Арипов ва Ўзбекистон Республикаси Президенти ҳузурдаги Хавфсизлик кенгаши котиби В.В.Махмудов зиммасига юклансин.

**Ўзбекистон Республикаси Президенти**

**Ш. МИРЗИЁЕВ**

Тошкент шаҳри,  
2022 йил 22 февраль

## Мулоқот

### ЕВРОПА ИТТИФОҚИ БИЛАН АЛОҚАЛАР МУҲОКАМА МАРКАЗИДА

Ўзбекистон Республикаси Олий Мажлиси Сенатида парламент юқори палатаси Раиси Танзила Норбоева Европа парламентининг ташқи ишлар бўйича кўмитаси раиси Дэвид Макаллистер бошчилигидаги делегация билан учрашди.

Томонлар Европа Иттифоқи билан алоқалар, хусусан, парламентлараро муносабатларни янада мустаҳкамлаш масалаларини муҳокама қилди.

Қайд этилганидек, мамлакатларнинг парламентарийлари ўртасида тўғридан-тўғри алоқаларни йўлга қўйиш мақсадида мунтазам равишда делегациялар ташрифлари амалга оширилмоқда, парламент аъзолари қонун ижод-

корлиги фаолиятини ўрганиб, ўзаро тажриба алмашмоқда.

Учрашувда Д. Макаллистер Европа Иттифоқи Марказий Осие давлатлари билан ҳамкорликка эътибор қаратаётганини, шу жумладан, Ўзбекистон билан ўзаро манфаатли соҳаларда шериклик ва ҳамкорлик изчил ривожлантиришни қайд этди.

### ЎЗАРО ҲАМКОРЛИКНИ РИВОЖЛАНТИРИШ МАСАЛАЛАРИ КЎРИБ ЧИҚИЛДИ

Кеча Ўзбекистон Республикаси Олий Мажлиси Сенати Раиси Танзила Норбоева Франциянинг мамлакатимиздаги Фавқулодда ва мухтор элчиси Орелия Бушез билан учрашди.

Мулоқотда Ўзбекистон Республикаси Президенти Шавкат Мирзиёевнинг 2018 йилда ҳамкорликни фаоллаштиришга хизмат қилган Францияга амалга оширган ташрифи чоғида икки мам-

лакат раҳбарлари ўртасида бўлиб ўтган музокаралар давлатлараро муносабатларнинг янги босқичини бошлаб берганлиги алоҳида қайд этилди.

Суҳбат чоғида олий даражада

эришилган келишувларни амалга ошириш ва шу мақсадда парламент назорати институтидан самарали фойдаланиш масалалари муҳокама қилинди.

Учрашувда кейинги йилларда Ўзбекистонда олиб борилаётган ислохотлар натижасида мамлакатнинг барча соҳа ва тармоғида ижобий ўзгаришлар юз бераётгани, демократик жараёнлар

амалга оширилаётгани таъкидланди. Бундан ташқари, савдо-иқтисодий, инвестиция лойиҳаларини қўллаб-қувватлаш, туризм ва маданият, таълим, парламентлараро алоқалар ва гендер тенгликни таъминлаш йўналишларида ўзаро ҳамкорликни ривожлантириш масалалари кўриб чиқилди.

«Халқ сўзи».





